

Kada je testiranje za H1N1 virus počelo, većina stručnjaka je bila uvjerena da bi odrasle osobe trebale dobiti po dvije vakcine, jer je riječ o novom virusu. Međutim, sada većina istraživanja pokazuju da su odrasli, koji dobiju jednu vakcinu dovoljno dobro zaštićeni.

Zvaničnici zdravstvene organizacije, koji se bore sa prvom pandemijom u posljednjih četrdesetak godina, su nedavno dobili dobre vijesti. Samo jedna doza cjepiva je dovoljna za zaštitu odraslih. Američki ministar za zdravlje Kathleen Sabelius kaže da je vijest ohrabrujuća: "Pokazalo se da većina ljudi ima snažan otpor imunološkog sustava u 8 do 10 dana nakon prve vakcine, što je jako pozitivna vijest."

Američka studija je došla do saznanja da je vakcina jednako efikasna i u Australiji. Vijest je iznenađujuća i dobrodošla. Sa dodatnim brojem vakcina, ovo saznanje znači da bi H1N1 vakcinu moglo dobiti duplo više ljudi u svijetu. Zdravstveni zvaničnici kažu da je 98% slučajeva sadašnje gripe uzrokovano virusom H1N1.

Vakcina bi trebala biti dostupna do sredine 10-tog mjeseca. Ali škole su već otvorene, temperature postaju niže, a sezona gripe u sjevernoj hemisferi je već počela. U međuvremenu, zdravstveni zvaničnici nagovaraju ljude da se vakcinišu za sezonsku gripu jer je ta vakcina već sada dostupna.

Oni također preporučuju da se ljudi vakcinišu posebno za svinjsku gripu, i to prvo oni sa najvećim rizikom - trudnice i djeca, mladež, ljudi sa hroničnim medicinskim stanjima, oni koji rade sa djecom i zdravstveni radnici. Prve vakcine koje su namijenjene trudnicama i djeci se očekuju u SAD za nekoliko sedmica.

Izvor: VoA News

www.medicina.ba

2009-09-17